

Nunani avannarlerni Kalaallit Nunaanni angutit ukiut inuuffigisassaattut naatsorsuusat amerleriarnepaajupput!

Nunani avannarlerni Kalaallit Nunaanni angutitut ukiut inuuffigisassaattut naatsorsuusat amerleriarnepaajupput!

1990-mut sanilliullugu Kalaallit Nunaanni angutit 2011-mi ukiunik 7,6-inik sivisunerusumik inuussinnaanissartik naatsorsuutigisinnaavaat. 1990-miit 2011-mut 12,5 procentimik annertuseriarnepaajupput tamanna Nunani avannarlerni qaffariaataasunut sanilliullugu annertunerujussuuvoq. Finlandimi angutit ukiorisassaasa amerleriarnepaajupput 9 procentimik qaffassimasoq kalaallit angutit ukiorisassaasa qaffannerannut qaninnerpaajuvoq. Taamaakkaluarterli kalaallit angutit suli ukiorisassaata appasinneruvoq, tassa naatsorsuutigineqarmat ukiut 68,3 ukiorisassaattut. Finlandermiut angutitaat ukiut 77, 2-it ukiorisassaattut qallunaallu angutitaat ukiut 77,3-it ukiorisassaattut naatsorsuutigineqarpoq taakkuuppullu nunani avannarlerni angutit ukiorisassaattut appasinnerit tullii, kalaallit angutitaannit qaffasinnerularlutik. Ukiut 50-it ingerlaneranni Nunani avannarlerni tamani arnat ukiorisassaasa qaffakkiartornerat annikippoq arnat ukiorisassaata tamarmik angutitut sanilliullutik qaffasinnerusorujussuunnerat pissutaalluni.

Nunani avannarlerni ukiumoortumik paasissutissani 2012-meersumi tamanna takuneqarsinnaasut ilagiinnarpaat. Nunani avannarlerni ukiumoortumik paasissutissat 2012-meersut novemberip 21-ianni saqqummissapput.

Nunani avannarlerni ukiumoortumik paasissutissat ukiuni kingullerni 50-iti saqqummersimanera nalliuttorsuutigineqarpoq

Nunani avannarlerni ukiumoortumik paasissutissat ukioq manna saqqummersut 50-issarivaat, tamanna malunnartinniarlugi ukiuni taakkunani nunani avannarlerni pisimasunut paasissutissat saqqummiunneqassapput. Nunani avannarlerni ukiumoortumik paasissutissat siullermik naqiterneqaramik ajoraluarterli Savalimmiunit, Kalaallit Nunaannit aamma Ålandimit tassa nunani namminersorfiusunit kisitsisinik ilaqanngilaq.

Ukiut 50-it ingerlaneranni kisitsisitigut paasissutissat tabelinngorlugit titartaganngorlugillu Nordisk Ministerrådip nittartagaatigut www.norden.org –ikkut pissarsiarineqarsinnaapput. Kisitsisit pigineqartut atorlugit 1960-ikkut aallartinneraniit nunani avannarlerni makku ineriartorsimanerat takuneqarsinnaapput:

- Katittartut ikilissimapput, inuit kingusilligaluttuinnartumik meerartaartalerput.
- Meeraqqat toqusartut ikilerujussuarsimapput, taamaakkaluarterli naartuersittartut amerlerujussuarsimapput.

- Kræfti toqussutaagajunnerulersimavoq. Kisianni inuuneqqortusisimavugut.
- Nunat avannarliit akornanni nutserartoqarpallaarunnaarsimavoq.
- Imigassamik atuineq marloriaatinngorsimavoq neqitortarnerlu annertusisimalluni.
- Aningaasaatitta amerlanersaat ineqarnermut atortarpavut.
- Nunani avannarlerni ilisimatusarfinni ilinniartut tallimariaammik amerlisimapput, ilinniartut amerlanersaat arnaapput.
- Kiffartuinermik suliallit amerlanerpaajupput. 1960-ikkunnut sanilliullugu ullutsinni ikitsuinnaat tunisassiorfinni sulipput.
- Akileraarutit pisortallu aningaasaqarnerat qaffariarujussuarsimapput.
- Biilit tallimariaatingammik amerlisimapput.

Atuagaq Nordisk Ministerrådip saqqummersitaa DKK 255-inik akeqarpoq (momsilannungunagu). Atuakkami Danmarkimi, Finlandimi, Islandimi, Norgemi, Sverigemi, Savalimmiuni, Kalaallit Nunaanni Ålandimilu kisitsisit imminnut sanilliunneqarsimasut takuneqarsinnaapput. Aammattaaq kisitsisaataasivimmut nunat avannarliit pillugit kisitsisiserpassuarnik akeqanngitsumik aallertoqarsinnaavoq. www.norden.org -imi [kisitsisaataasivik atorneqarsinnaavoq Nordisk Statistisk Årbog 2012-ilu pdf-filinngorlugu pissarsiarineqarsinnaalluni.](#)

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Eventuel henvendelse

Bolatta M. Vahl

E-mail: bmv@stat.gl

Emne

November 21, 2012

Grønlands Statistik
 Postboks 1025 · 3900 Nuuk
 Tlf.: +299 36 23 60 · Fax: +299 36 23 61
www.stat.gl · e-mail: stat@stat.gl

